

Ёшлар никоҳ илмини биладими?



10:00 / 26.02.2022 2193

Оила қуриш арафасида турганлар учун 16 соатлик ўқув курслари ташкил этилаётган эди. Ҳозир фаолият юритяптими ёки йўқми, билмадим.

Аммо рақс тўғарагига йигит билан қиз 1 ой қатнайди. Машиналар, ошпазлар, машшоқлар, тўйхоналарга бир неча ой аввал айтиб, буюртма бериб қўйилади. Бу нарсаларга катта миқдорда пул сарфланади.

Ваҳоланки, оиланинг саодатига, тотувлигига сабаб бўладиган нарса — никоҳ, оила, эр ва хотиннинг бурч ва масъулиятлари, динимизнинг бу борадаги кўрсатмалари ҳақида яхшигина билимга эга бўлиб, уларга амал қилишдир.

Ошпаз, машшоқ, рақс (даюслик), тўйхона, машина, дабдаба бахтни белгиловчи омиллар эмас.

Икки ёшнинг никоҳга, оила қуришга маънавий тайёргарлигига унчалик эътибор берилмагандан кейин ажрашишлар сони кўпайиб бораверади.

Ёшлардан сўрайликчи, куёв эрлик масъулиятини, келин хотинлик вазифасини биладими, бу борада илми борми?

Бу борадаги таълимни тўғри шаклда, ихлос билан йўлга қўйилса, Аллоҳнинг изни билан, ажрашишлар, тирик етим болалар, ёлғиз оналар, алимент тўламагани учун қамоқда ўтириб чиқадиган оталар қолмайди.

Фазилатли шайх Муҳаммад Содиқ Муҳаммад Юсуф роҳимаҳуллоҳнинг «Бахтиёр оила» китобларини олиб ўқийлик, ўзлаштирайлик, тушунмаган жойимизни устозлардан сўрайлик, ўқиб билганларимизга амал қилайлик!

Аллоҳ таоло юртимиздаги барча оила қурганларни Исломий оила бўлиб яшашларини, оила қурмоқчи бўлганларни Исломий оила қуришларини насиб этсин!

Нозимжон Ҳошимжон